

BENDE BATISO MAR PI DWARORE?

Bende Batiso dwarore kuom warruok? Kose en nyasi ma ok ochuno? Mae e gima Muma wacho.

Chieng' Pentekost, maen odiechieng' mane "onyuole" Kanisa mar Muma Manyien, jaote Petro mane opong' kod mich mar Roho nowacho niya, "Lokreuru, kendo ng'ato ka ng'ato kuomu nyaka batisi e nying Yesu Kristo, mondo richou owenu, eka Nyasaye nomiu Roho maler." (Tich Joote 2:38).

Petro ne owacho ni jogo mane oyie ne dwarore oyud batiso mondo owenigi richogi kose mondo ogolnegi richogi? Joyalo mang'eny oyie kod wach mogik kagiwacho ni dhok mar grik okawo wach maen "mondo" kaka "nikech" kata "kuom paro mar." Yo maisomogo ndikoni chiwo thuolo mar yie momaki ni warruok ni kare seche ma ng'ato "oyie kuom Yesu Kristo" to batiso en mana ranyisi mar warruok ma osechop kare.

Kanyakla moko puonjo ni batiso "dwarore" to moko kaka Quakers kod Jolweny mag Warruok oktim batiso chutho. Ng'eny mag kanyaklagi timo batiso mak mana ni giwacho ni ok en gima ochuno kuom warruok.

Jayalo mong'ere kaka Hal Lindsey nondiko kama, "Ka waketo batiso kaka chik mar nwang'o warruok, mano bedo tich mar dhano maluwo ng'wuono makare mawacho ni onge gima dwarore kuom dhano, mak mana yie" (*The liberation of the planet earth, ite mar 140*). Lindsey dhi nyime kowacho ni "nyasi moro amora, obed dhi e nyange, chamo sawo, kata batiso ka omed kuom yie kaka chik mar warruok bedo mana tich mar dhano kendo oonge kod wach mar kelo winjuok mar ng'wuono" (ite mar.,141).

Lindsey leronwa Batiso kaka "ranyisi maduong'" mak mana ni oparo ni "onego onene kaka nyak mar warruok, ok chakruok mare, kata okang' mar chakruok mare" (ite mar., 140).

Lindsey oken kare chutho. Batiso kaka nyasi mar lamo oken chakruok kata okang' mar chakruok mar bedo makare, to en nyasi mar nwang'o okang' mar bedo makare. Oken tich mar yudo puoch mimedo kuom yie, to en ranyisi mar yie. Odwarore nikech Yesu nochiwo chik mare. Gimoro amora mane Yesu ogolo chik mare dwarore. To ka ng'ato wacho ni ong'eyo Nyasaye, to ok orito chikene, to en jamriambo, kendo adiera onge e chunye (som 1 Johana 2:4).

Koro wasom kendo Tich Joote 2:38, "Lokreuru, kendo ng'ato ka ng'ato kuomu nyaka batisi e nying Yesu Kristo, mondo richou owenu, eka Nyasaye nomiu Roho maler." Jogo maparo ni Petro ne wacho jogo mane oyie kendo mane olokre "kuom paro mar" (kata nikech) warruok mane giseyudo luwo loko wach ma miriambo. En adiera ni wach ma en "kuom" tiende ng'eny

kendo ok nyal kawe kaka oti kode e ndiko mar Tich Joote 2:38. Petro ne ojiwo ni ng'ato nyaka lokre ma onwang' batiso kod fweny makelo warruok.

Warruok lach mohingo richowa machon miweyonwa. En kod mich mar Roho Maler bende. Tich Joote 2:38 wachonwa ni yudo mich mar Roho Maler biro mana ka walokre, ka wayudo batiso, kendo ka owenwa richowa. "Eka nomiu [bang batiso] Roho maler."

Yor Petro winjre ahinya kod weche mane Kristo owacho e Mariko 16:15-16: "Eka nowacchonigi niya, Dhiuru e piny duto , uland wach maber ni ji duto. Ng'ama oyie kendo obatisi, nokwo, to ng'ama ok oyie, bura nolo." Nyaka wang'e ni batiso biro ka pok wayudo warruok.

Wayudo ratiro machalo kamano mar – lokruok, batiso, weyo richo, mich mar Roho Maler – kaluwore kod weche mag Paulo.

Bang' kane osebedo muofu kodhi Damaski, Saulo (bang'e ne oluonge ni Paulo) nobedo ndalo adek ka okonen kendo ka ok ochiem kata metho. Nyasaye nooro jaote miluongo ni Anania ir Saulo.

"Anania nodhi modonjo e odno. Noketo lwete kuom Saulo, kowacho niya, Owadwa Saulo, Ruoth Yesu mane ofwenyoreni e yo kibiro ka , oseora iri mondo ichak inen, kendo ipong' gi Roho Maler." (Tich Joote 9:17).

Nyaka wang'e ni kata odoko ni Paulo nobedo *ndalo adek* ka otweyo kendo kaen mwofu, ne oparo weche mane Kristo onyise kodhi Damaski kendo kaka ne osando Kanisa mar Nyasaye, ne pok opong' kod Roho Maler.

Kane jaote koro nyalo neno, Anania nowachone niya, "To koro ere gima irito? A malo obatisi, mondo olwokni richoni, kiluongo nying Ruoth" (Tich Joote 22:16).

Bende "Luoko richogi" en ranyisi mohingo "wich wil mar richogi nikech Nyasaye wiye osewil kodgi"? Bende Batiso ok en gimoro mantiere malo mohingo saikolojia mane oseket mondo okony ng'atno moseyie ng'eyo ni richoge oseluok chutho? Kose batiso en yo ma kare ma ichiwo godo ng'wuono mar Nyasaye?

Petro ne oneno apaka mane nitiere e buk mar Chakruok kama "ji ang'wen noyudo resruok kuom pi" kamae, "*pigno en ranyisi mar batiso ma koro resou sani*; (ok en golo [chilo] kuom ringruok, to en singruok motim ni Nyasaye gi chuny maler), oresou nikech chier mar Yesu Kristo" (1 Petro 3:20-21).

Petro okne nyis ni pi mar batiso en chakruok mar warruok; nonyiso ni teko mar golo richo ichiwo ne jaricho molokre *kokadho* kuom nyasi mar batiso mar pi – tiende ni batiso en *nyasi*, ok *chakruok* mar bedo makare. Adiera, Nyasaye nyalo chiwo golo mor richo kod bedo makare chutho ka batiso onge, mak mana ni mae kod ndiko moko fwenyo ni batiso en yo makare ma

ichiwo godo ng'wuono mar Nyasaye ne jaricho molokre kendo moduogo ir Nyasaye kokadho kuom yie e tij resruok mar Yesu Kristo.

Jogo mawacho ni batiso oken gimoro mak mana “nyasi” nenore ka gima gichayo dwaro mar chiwruok mar dhano kuom warruok. Joyalo moko to oyie gi paro ni kwero richo en luong ma dwarore kuom yie, mak mana ni gi golo oko paro mar ni batiso bende en luong ma dwarore kuom yie.

Seche mang'eny gichiwo ranyisi ma ok nyalre kuom batiso – kaka “jaricho e msalaba” – to ok ginyal neno ni ranyisi machalo kamagi ok chiw rapim kuom ji man kod dwaro mar warruok. Jo-Kristo okonego obed kod buok ka gineno ka nyasi mopogore opogore (miluongo ni sakramit kod jomoko) tiyo kaka yore ma ng'wuono mar Nyasaye (yuto mar ringruok kod roho) ichiwo godo. Chang kaka ranyisi, ichiwo kokadho kuom nyasi mar “wiro mo” (Jakobo 5:14). Kaka nyasi “mar wiro mo,” “keto lwedo” en yor Nyasaye ma ichiwo godo mich moro (1 Timotheo 4:14; 2 Timotheo 1:6; Tich Joote 19:6). Koro ang'o momiyo watamre ni batiso oken yo ma mich mag roho ichiwo godo kuom ng'atno moyie lokruok?

Jogo ma wacho ni dwarruok mar puonj mar batiso kuom warruok en puonj mar “warruok kuom tim” riambo. Wacho ni batiso en “tim” ma Nyasaye okdwar chal ka wacho ni luoro jonyuol (Jo-Efeso 6:2), weyo ni ji richogi (Mathayo 6:14), hero jowadwa 22:39 gin “tim” maonge tiendgi kendo ng'at ma dwaro warruok ok onego makgi. Onge kata achiel kuom chikegi manyalo kelo warruok, mak mana ni giduto gidwarore kuom ng'atno ma dwaro warruok.

Koro wanonuru adiera kuom wechegi: (1) Yesu ne oyudo batiso, ok nikech ne odwaro, to nikech “nochopo weche kare” (Mathayo 3:13-15). (2) Nochiko jopuonjre mage mondo otis jogo moyie kendo molokre (Mathayo 28:19). (3) Jopuonjre mage notimo kamano; kendo ji mang'eny notisi. Bende adieragi kaka ing'iyogi, ok obadho jomoko maneno ni batiso en “nyasi ma ok ochuno”?

Ka iwinjo ratiro mag Nyasaye mar bedo gi tim makare; ka isekwero richo kendo chunyi dwaro luwo Nyasaye; ka iyie kuom yesu Kristo kaka jawar, kendo ka ikawo tije mage mag resruok kaka yo kende mar yudo warruok, mano nyiso ni dwarore mondo otisi. Dwarore ahinya.

(Ka inyalo dwaro twak mathoth ahinya kuom gik ma Nyasaye dwaro kuomwa, ndiknwa mondo waorni buk maonge chudo kuom Adiera *Apar Ma Nyaka Ing'e Kuom Kwero Richo Kod Bedo Japuonjre Makare; Gima Luwo Yesu En*. Bende ka inyalo hero wuoyo kod achiel kuom jotich magwa kuom batiso, ndiknwa to wabiro neno ka jaote moro nitie machiegni kodi.)

Translated by Elijah Ogeda